

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 17.09.2021թ. թիվ 2113439684 որոշումն անփոփոխ, իսկ վարչական բողոքն առանց բավարարման թողնելու մասին

<< 30 >> 09 2021թ. 7-13

14744

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արման Նազարեթյանի թիվ ՄԴ/79721-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կոմիտասի պողոտա 35ա շենքի 1 բնակարանի բնակիչ Արման Նազարեթյանը դիմումով խնդրել է վերանայել վարչական տույժ նշանակելու մասին 17.09.2021թ. թիվ 2113439684 որոշումը՝ նշելով, որ համաձայն չէ իրավախախտման հետ, քանի որ բացակայել է արագաչափ սարքի առկայությունը հավաստող ցուցանակը, ինչպես նաև պահանջել է ներկայացնել արագաչափ սարքի համապատասխանության փաստաթուղթ:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները:

<<Չափումների միասնականության ապահովման մասին>> ՀՀ օրենքի պահանջներով պայմանավորված Հայաստանի Հանրապետության շահագործվող բոլոր արագաչափ սարքերը սահմանված ժամկետում և կարգով ստուգաչափված են (թիվ 040449 վկայականը կցվում է):

Ըստ արագաչափ սարքի տեխնիկական բնութագրի՝ այն փոխադրամիջոցը, որի արագությունը համարվում է չափված, պետք է առնվազն մասամբ գտնվի նկարի երեք քառորդում՝ ընթացքի ուղղությամբ (գնահատման գոտի): Գնահատման գոտում չպետք է լինի միևնույն ուղղությամբ շարժվող որևէ այլ փոխադրամիջոց՝ նույնիսկ մասամբ: Հակառակ ուղղությամբ շարժվող փոխադրամիջոցները կարող են գտնվել գնահատման գոտում:

Վիճարկվող որոշման անհատական ծածկագրի տակ զեպտեղված լուսանկարի ուսումնասիրությամբ հստակ է դառնում, որ չի կարող կասկածի տակ դրվել իրավախախտումը հենց դիմումատուին պատկանող տրանսպորտային միջոցով կատարված լինելու հանգամանքը, քանի որ միայն վերջինիս պատկանող ավտոմոբիլն է գտնվում լուսանկարի գնահատման գոտում:

Ինչ վերաբերվում է դիմումատուի ակնարկին՝ լուսանկարահանող սարքերի մասին տեղեկացնող ցուցանակների բացակայության վերաբերյալ, ապա այն չի կարող դրվել վարչական վարույթի հիմքում և վիճարկվող որոշման անվավերության պատճառ հանդիսանալ, քանի որ լուսանկարահող սարքի առկայության մասին զգուշացնող ցուցանակը ՀՀ կառավարության 2007թ. թիվ 955-Ն որոշմամբ հաստատված ճանապարհային նշան չէ, ուստի դրա լինելը կամ չլինելը չի կարող հիմք հանդիսանալ տրանսպորտային միջոցի վարորդի կողմից երթևեկության սահմանված արագությունները գերազանցելու համար: **Երթևեկության մասնակիցները պարտավոր են պահպանել ճանապարհային երթևեկության կանոններն անկախ տեսանկարահանող կամ լուսանկարահանող սարքերի առկայությունից:**

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 17.09.2021թ. թիվ 2113439684 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արման Նազարեթյանին:



Ե. Կարապետյան

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԷԿՈՆՈՄԻԿԱՅԻ
ՆԱԽԱՐԱՐՈՒԹՅՈՒՆ



«ՍՏԱՆԴԱՐՏԱՑՄԱՆ ԵՎ
ՉԱՓԱԳԻՏՈՒԹՅԱՆ
ԱԶԳԱՅԻՆ ՄԱՐՄԻՆ» ՓԲԸ

ՍՏՈՒԳԱՉԱՓՄԱՆ ՎԿԱՅԱԿԱՆ № 040449

Ստուգաչափման թվականը 2020 թ. 12 «04»

Ուժի մեջ է մինչև 2021 թ. 12 «04»

Արագաչափ պետական կուսով

Գործարանային հմ. 73812

Տեսակը Multa Radar SD 580

Չափման տիրույթը (10 ÷ 250) ԿՏ/Տ

ճշտության դասը, կարգը (սխալանքը) ± 1 ԿՏ/Տ ; 1%

Արտադրողը Վերման Կա

Պատկանում է Անգլիայի Հիմնական

իրավաբանական, ֆիզիկական անձ/անհատ/մեծարկատեր, անվանումը/անուն ազգանուն

Ստուգաչափման արդյունքների հիման վրա չափման միջոցը

թավարարում է սահմանված պահանջներին:

Ստուգաչափումը կատարվել է համաձայն ՐՕՅՏՐ 1541392/25.08.10/

ստուգաչափման մեթոդիկայի անվանումը, նշագիրը

ՐՍ / AMH

Ստուգաչափող



Գևորգյան
ստորագրություն

Գ. Գևորգյան
անուն ազգանուն

Ստուգաչափման դրոշմի արտատիպը

Բաժնի (Լաբորատորիայի վարիչ) պետ

Զ. Զեյնալով
ստորագրություն

Զ. Զեյնալով
անուն ազգանուն

Հաստատված է ՀՀ տնտեսական զարգացման և ներդրումների նախարարի 19.02.2018թ. թիվ 133-Ն հրամանով